

四庫全書

經部

欽定四庫全書

子部

醫壘元戎卷十二

詳校官太醫院醫官臣姜晟

編修臣倉聖脈覆勘

總校官編修臣王燕緒

校對官編修臣汪璫

謄錄監生臣唐元菩

欽定四庫全書

醫壘元戎卷十二

元 王好古 撰

厥陰證

調胃散

治一切吐逆傷寒四
肢逆冷粥食不下

硫黃

水銀各半

右先碾硫黃極細次下水銀同碾至黑色為度每服

一錢重者二錢溫米飲調服無時

許學士破陰丹 論伏陽一脈 並見陰證論

還陽丹活人丹砂丸 火焰散 回陽丹

反陰丹

並見陰證論

半硫丸治老弱虛人臟腑秘

主治修製並見局方

硫黃 半夏

局方金液丹

主治修製並見局方

上二藥並在五苓化水丹後

三寶丹

雄黃 半夏 牡蠣 硃砂

楊氏五神丸

一名來復丹

硫黃

另碾

硝石

另碾

右同與磁器內用文武火炒得所勿令太過須一氣透方可若未透則氣不相感

五靈脂

青皮

陳皮

去白等分

右件陳皮等末與硫黃硝石和勻麵糊丸桐子大此藥二氣相配陰陽均平天地平和之氣可熱可冷可

緩可急是以治陰陽不調冷熱交攻榮衛相勝心腎
不升降水火不交養丈夫婦人因病嬰兒急危但胃
氣在無不獲邪氣炎上煩燥冷氣攻急痛膈氣痛塞
不可忍腎氣脅下攻之氣滿不可轉動諸霍亂吐瀉
渴藥不止一服定大抵吐逆脣口青手足厥冷脚轉
筋者兩服傷寒煩燥昏塞倒卧不省人事不得飲新
久患崩漏泄利不問赤白冷熱量患深淺服數服止
若非時嘔吐飲食不下服之立愈每服五十九空心

米飲下甚者七十九童稚十九嬰兒五七九新生兒
二三九化破與服如小兒急慢驚風若胃氣在雖困
無不救者但是臟腑一切急病不問證疾並可治之
非與尋常方一同乃博效救濟人藥也

易簡求復丹

主治修製之法並見局方

硫黃 五靈脂 橘紅 青皮 玄精石

每服二十九米飲下食前此藥可冷可熱與養正丹
黑鉛丹相類但體輕不能鎮墜耳然硝石性寒佐以

陳皮其性疎快疏黃且能利人若作熱藥用以止瀉
誤矣但霍亂一證吐利交作蓋曰淡食生冷暑濕熱
之氣中脘結閉揮霍變亂此藥通利三焦分理陰陽
服之其效最驗兼治翻胃嘔逆其效尤速中暑霍亂
此藥最切小兒驚風用亦有驗蓋上證候皆由涎飲
中節致之此藥溫利涎飲既出則諸恙去若男子婦
人心腹作痛疎利之劑得效者未應遽補當以藥
徐徐飲之令大便秘通利則痛不復作矣嘔吐用之

其意亦然不可不知腎厥頭痛老人頭痛並宜常服
一法治老人並虛損之人寒氣入腹大小便不通者
用生薑半兩連根葉和泥葱一根鹽一撮豆豉五十
粒爛碾略炒盒臍心兩劑更易用之以利為度亦良
法也

局方來復丹

此藥配類二氣均調陰陽奪天地中和之氣乃水火
既濟之方可冷可熱可緩可急善治榮衛不交養心

腎不升降上實下虛氣閉痰厥心腹冷痛臟腑虛滑
不問男女老幼危急之證但有胃氣無不獲安助真
補虛救陰助陽為效殊勝

舶上硫黃

透明不夾石者

大陰玄精石

一兩研水飛

硝石

半兩同硫黃並為細末入定磁內以慢火炒
篋子不住手攪令陰陽入不可火太過傷藥

力再研極細
名曰二氣末

五靈脂

二兩酒浸用五臺山者用
水澄去砂石曬乾揀淨秤

陳皮

去白三兩

青皮

去白三兩

右用五靈脂二皮為細末次之玄精石末及前二藥

末拌勻以酒醋打糊為丸如豌豆大每服三十九空心粥飲吞下甚者五十粒小兒慢驚風或吐痢不止變成風搐搦非風也胃氣欲絕故也用五粒碾細末飲送下 老人伏暑逆亂紫蘇湯下婦人產後血逆上搶心悶絕并惡露不止及赤白帶下並用醋湯下常服和陰陽益神散腰腎間陰濕止脅疼痛立見神效應諸疾不辨陰陽證者並宜服之神異不可具述

四神丹

治百病補五臟遠疫病厲却嵐瘴除尸疰蠱毒鬼魅
邪氣大治男子婦人真元虛損精髓耗傷形羸氣弱
中滿下虛水火不交養陰陽失升降精神困倦面色
枯槁亡血盜汗遺溺失精大便自利小便滑數夢寐
驚恐陽事不舉腰腿沈重筋脈拘急及治一切沈寒
痼冷瘕癖疝瘕絞痛及久久痢傷寒陰證脈候沈微
身涼自汗四肢厥冷婦人百病胎臟久冷結孕無子
赤白帶下月候不調服諸藥久不差並皆主之此丹

假陰陽造化之功得天地中和之氣却與尋常一煅
一煉僭燥丹藥功效不同此丹活血實髓安魂定魄
悅澤顏色輕身保壽 不特藥力縱情恣欲久久服
之可通仙道

雄黃 硫黃 雌黃 朱砂

右件四味各五兩碾細入甕合內將馬鞭草為末鹽
泥固濟慢火四圍燒煅一日一夜取出再碾細以糯
米粽和為丸如菉豆大每服一九空心新汲水吞下

妊婦勿服忌羊肉蘆菜

龍腦太白丹

治風壅偏正頭疼痰隔不利四肢拘急疼痛辟風邪

清神志

硫黃

細碾

硝石

細碾各二兩

白附子

炮為末一分

右件入龍腦少許同碾細滴水丸鷄頭大每服一丸細嚼荊芥湯無時

易簡養正丹

修製主治並見後局方

硫黃

黑錫

水銀

硃砂

右每服五十九食前米飲送下此藥用硫黃黑錫本
無利性在利在丹藥用以補虛冷治泄瀉之類大不
得其宜若卒中之患痰涎壅盛此鎮墜使大便澹利
病亦隨去則於三生飲選藥為之湯液若氣虛喘急
之患或發咳嗽沈附煎湯調鍾乳粉咽下於降氣湯
中選用之 若煽胃之患皆因中脘停寒涎痰凝滯
食入即吐當用此藥以丁香附子之類煎湯下但丁

附性熱恐為疾飲隔節蓄在上焦反為僭燥則於二
陳湯中選藥用之凡治嘔者先以加減感應丸微利
之次用此藥無不尅效半硫丸亦有性利用之尤當
切仍以水煮半夏丸服之見二陳湯後 若脚氣之
患入腹衝心或見嘔吐之證無法可療千金以大黃
利之大黃性寒病既深入必難導達是其嘔吐也不
若用此藥或黑錫丹來復丹之類煎降氣湯下便須
多服以大便流利為度脚氣無補法此有利性即非

補藥服之無疑 瘧癰疰氣膀胱奔豚之氣入腹者
亦宜用此 若尊年之人大腑寒秘者尤宜服之黑
錫丹與此同類亦效

局方震靈丹

紫府元君南岳魏夫人方出道藏一名紫金丹此丹
不犯金石飛走有性之藥不僭不燥奪造化中和之
氣又治男子婦人真元衰憊五勞七傷臍腹冷痛肢
體疼痛上盛下虛頭目眩暈心神恍惚血氣衰微及

中風癱瘓手足不遂筋骨拘急腰膝沈重容枯肌瘦
目暗耳聾口舌乾苦飲食無味心腎不足精滑夢遺
腰腹疝墜小便淋瀝夜多盜汗久泄久痢嘔吐不食
八風五痺一切沈寒痼冷服之如神及治婦人血氣
不足崩漏虛損帶下久冷胎臟無子服之無不愈者

禹餘糧石

火煨碎不計遍數
以手撚碎為度

丁頭代赭石

亦如
禹餘

糧石
煨法

赤石脂

紫石英

各四
兩

右四味並用乾鍋內鹽泥固濟候乾用炭十斤煨通

紅火盡為度入地坑埋出火毒二宿

滴乳

研二兩

沒藥

去砂石研二兩

五靈脂

去砂石研二兩

硃砂

火飛過一兩

右通前藥共八味並為細末以糯米粉煮粥為丸如
鷄頭大爆乾出光每服一九空心溫酒冷水亦得常
服鎮心神駐顏色溫脾胃理腰膝除尸疰蠱毒辟鬼
魅疔厲久服輕身漸入仙道忌猪羊血恐減藥力婦
人醋湯下孕婦不可服極有神效

朝真丹

治腸胃虛弱內受風冷或食生冷內傷泄瀉暴下日夜無度腸鳴腹痛手足厥冷

硫黃

生研一兩

枯礬

七錢五分

朱砂

三錢一分為衣

右合勻水浸蒸餅為丸桐子大米飲下三十丸無時夏月宜用以備急諸沈寒痼冷之疾諸熱藥不能效者灸關元五七壯即效

至寶丹

脚氣亦有分寒熱處三日及有用紅雪紫雪及諸元藥者

軟金丹

天竺黃各三錢

龍腦一字

麝香

牛黃各一錢

金銀箔各十片

已上七兩九錢一字通碾細再杵白蜜十兩溫溶紙
覆取蠟淨次日再煨利藥末每兩作十五丸茶酒任
下

海藏云初病疾不宜服至寶丹小兒微疾亦不宜服

人參 天麻

白僵蠶 菖蒲

乾蝎各半兩

防風

半夏

牛膽製

白茯苓

各九錢

遠志

八錢

薄荷

一兩黃連

兩

雄黃

二錢

烏犀

玳瑁

琥珀

朱砂

至寶丹太抵風毒始自皮毛入留孫絡孫絡不已流入
大絡小絡不已流入大經小經不已流入骨髓先湯液
次丸散次丹劑丹劑為風入骨髓不能得出故用入骨
髓透肌膚之劑為開窻牖之藥龍麝牛雄犀珀金硃皆
入骨髓透肌膚之劑而使風邪得以出於外也初病風

疾未及於裏便服入透骨肌之藥是引賊入家如油入
麵不可出也其反招害如此大抵疾有淺深治有次第
初焉至淺不可以重劑治兼之小兒腸胃細小肌肉柔
脆遽以入骨透肌之藥治之若有他證草木之劑不可
近也富貴之家深宜戒此若遇潮涎不省痰證急甚不
拘此例事至不得已而用之是謂得其當矣猶之射也
高則過下則不及要之適乎中而已無病人服風藥開
發過極反使風入亦猶引賊入家與無病在經而服至

寶丹無異

聖功丸

專治血痢

膩粉

三錢七

定粉

三錢七

一法加蛤粉

三錢

右同研勻水浸蒸餅為丸菜豆大煎艾湯下五七丸

或十丸

蠲稍丸

當在妙香丸後

治急風牙噤驚癇搐搦目不定恍惚潮涎昏悶不省

人事利胞膈清頭目化痰實寧心神安臟腑

蝎梢

微炒
半兩

白附子

炮二
兩

天麻

一兩

龍腦

錢一

朱砂

研一兩

半夏

湯製
一兩

右細末白麵糊丸棗豆大每服三十丸細嚼薄荷湯

下臨卧

不換金丹

荊芥穗

一兩
半

薄荷

二兩

天麻

一兩

甘草

一兩

白僵蠶

一兩

防風

一兩

藿香葉

一兩

細辛

一兩

川芎

白附子

羌活

全蝎

炒各
半兩

朱砂

二錢
為衣

右末蜜為丸彈子大每服一二丸茶下

治破傷風

蝎梢七條為細末熟酒調下

上青白附丸

同錢氏溫白丸例

白附子

炮

白殭蠶

天南星

半夏

天麻子

川芎

甘菊花

旋覆花

陳皮

一兩

全蝎

半兩

右細末薑糊丸桐子大每服三十九薑湯下

錢氏溫白丸

治小兒脾氣虛困泄瀉瘦弱冷疳洞利及因吐瀉或
久病後慢驚身冷瘕癥

天麻

半錢

僵蠶

炮

白附子

生

乾蝎

南星

右細末湯浸寒食麵丸菜豆大丸子仍以寒食麵養
內七日取出每服七丸加至三十九丸空心生薑米
飲湯下漸加元數

易簡如聖餅子

修合治療之法
並見後局方

川烏

南星

乾薑

甘草

川芎

天麻

防風

半夏

右每服二十餅嚼破生薑湯下本方只服五餅安能
作效初感傷寒因汗而解尚餘頭疼濃煎生薑葱白
湯皆可此藥須是自合庶幾糊少且料藥精製胡易
為效也一切頭疼不問內外所因並宜服之 兼治
中脫痰飲停積及療脾胃飲食所傷溫中快膈尤得
其宜 偏正頭疼茶湯下久久服之不復再發

局方如聖餅子

治男子婦人氣血上盛下虛痰飲停積風寒伏留陽
經偏正頭疼連腦顛吐逆惡心目眩耳聾常服清頭
目消風化痰暖胃

川烏

去皮

南星

洗

乾薑

各二兩

甘草

川芎

各二兩

天麻

防風

半夏

各半兩泡

右細末湯浸蒸餅丸如鷄頭大捻作餅子暴乾每服
五餅同荊芥三五穗細嚼茶酒任下熟水亦得無時

化風丹

治中風涎盛胞膈不快頭重目不開或目睛上視一

切諸病

烏蛇

生去骨
一兩

白附子

炮一兩

南星

一箇重
一兩

朱砂

二兩
殭蠶

一兩
麝香

半錢
雄黃

二錢
腦子

一字

右蛇附星蠶為細末另入麝香朱砂等肆物細末再

碾勻煉蜜丸鷄頭大酒化下如牙關緊急不開以蒜

一大瓣搗為泥塗在兩牙關外豆淋酒化下蘸藥擦

牙自開更服二錢效如神

治患後轉瀉腹脹如鼓蝎氣散

全蝎

燒灰研
一兩

麝香

少許

右細末每服二錢七米飲調下甚者再服必愈

治傷寒將死者

川烏

生

南星

半夏

天麻

生去蘆
各等分

右為細末每服一錢煎豆淋酒下稍溫服次用一二
盞投之者若牙關噤幹灌之但藥得下無不活者

烏荊丸

川烏

一兩炮
去尖

荊芥穗

二兩

右為細末醋丸桐子大每服二十九丸溫酒送下熱水亦得有病日食三無病日一服此藥腸風尤妙

化水丹

川烏

附子

炮

乾薑

炮

赤石脂

蜀椒

桂

各等分

右蜜丸桐子大每早服三丸夜三丸溫酒下

老君神明散

治疫

白朮

二兩

桔梗

二兩

細辛

一兩

附子

炮去皮
臍二兩

川烏

炮去皮
臍四兩

右五味為麤末縫絹囊袋盛帶之居閭里皆無疾若有疫疾溫酒服方寸匕覆取汗得吐即差若經三四日抄方寸匕以水二碗煮令大沸去滓二服

換骨丹

槐蔓蒼桑香 歲人防何苦 十味麝牛麻

佳人稱換骨

右製度並見廣濟宣明方

拯濟換骨丹

海藏云自汗不愈不宜服亦汗家忌重發汗也

槐皮芍木芷 仙人防首蔓 十味各停勻

苦味香減半 龍麝即少許 朱砂作衣纏

麻黃膏煎丸 大小如指彈

治半身不遂口眼喎邪手足不仁言語蹇蹇或骨痛連髓或痺襲皮膚或中急風涎潮不言精昏澁行步

艱難筋脈拘急左癱右瘓一切風疾並皆治之

槐莢子 人參 桑白皮 蒼朮 白芷

何首烏 蔓荊子 威靈仙 防風

各二兩

五味子 苦參

香附

各一兩

麝香

二錢另碾

龍腦

二錢另研

川芎

一兩

右十四味為細末入麝香令勻又用麻黃十斤去根節用天河水三石熬至六升去渣再煎至二升半入銀石器內熬成膏入煎藥和勻杵王午下每兩作十

九朱砂為衣每服一九搗碎酒一盞自晨浸至晚食
後飽得卧微攪之神清無睡是藥之驗再服須臾五
日服之如中風無汗宜服若體虛自汗服之是重士
津液也若風盛之人當於密室中溫卧取汗稍避若
風實者至寶丹之類風虛者靈寶之類

局方大已寒丸 易簡大已寒丸同

治久寒積冷腑臟虛弱心腹疼痛脅脹滿泄瀉腸鳴
自利自汗米穀不化陽氣暴衰陰氣獨盛手足厥冷

傷寒陰盛神昏脈短四肢急情並宜服之

乾薑

六斤炮

高良薑

六斤炮

桂

四斤

華撥

四斤

每服五十丸米飲下此藥熱燥能治臟腑虛寒滑而下利反泄瀉腸鳴水穀不化若心腹疼痛中脘停寒大溏泄者尤宜服之

大已寒丸

吳茱萸 官桂 乾薑 良薑 烏頭 附子

一法加芍藥 一法加茴香引陽氣下行不傷眼

目

右為細末醋糊丸亦得桐子大每服三五十丸米飲下空心食前日二服無所忌

吳茱萸丸

治下痢臟腑不調脹滿腹痛水穀不化怠惰嗜卧時

時下痢

吳茱萸

一兩半
湯洗炒

神麴

炒五兩

白朮

四兩

桂

二兩半

乾薑

炮二兩半

川椒

去目炒
一兩

右細末糊丸桐子大米飲湯下十五丸至二十九食
前上澄乃陰濕勝也

小吳茱萸丸

吳茱萸

半兩洗
焙乾

良薑

三兩

乾薑

焙三兩

右醋糊丸桐子大每服三五十九米飲下

快活丸

治痰痞嘔吐不愈腹脹大便不通秘者陰燥勝也

吳茱萸

洗炒

木香

各一兩

良薑

乾薑

炮

枳實

炒

陳皮

各三兩

右酒煮神麴末作糊丸桐子大薑湯下十五丸至二

十九無時陳皮湯亦得

艾煎丸

治男子陰證
女人寒帶下

艾葉

四兩炒
陳者

大椒

赤石脂

乾薑

川烏

炮去
皮

生硫黃

已上各
一兩

右糊丸桐子大每服二三十丸艾湯鹽湯任下

艾煎丸

治婦人久病
氣虛冷羸瘦

蒼朮

製四兩

當歸

酒浸焙二兩

小椒

半兩炒

右細末好醋一斗好艾葉一斤浸一宿砂鍋慢火熬至五升去滓再入鍋內熬出膏子同和前藥丸桐子大每服三四十九溫醋湯下食前炒陳艾上餘藥共為末糊丸亦可

噎氣湯

吳茱萸

半兩焙

桂

二錢

半夏

薑製半錢

右咬咀每服五錢生薑五片水一盞餘煎六分去渣

溫服

奔氣湯

吳茱萸 人參 生薑 棗

右於吳茱萸湯中去棗加半夏桂心甘草亦名奔氣湯

小七氣湯

具見太陰證

戊己丸

吳茱萸

白芍藥

黃連

各等分

右三味同炒微黃放冷為末糊丸米飲下二十九食
前

小已寒丸一名強中丸

治脾胃積冷中寒洞泄倦怠不思飲食進食止自汗

厚腸胃

見肘後
甚驗

艾葉

四兩

蒼朮

炒一兩

陳皮

炒二兩

吳茱萸

炒二兩

右件用末醋二升浸一宿漉出暴乾再於原浸藥醋
內拌和勻炒令紫色焙乾為末稀糊丸桐子大每服

三十九溫酒鹽湯醋湯下空心食前

前烏頭例

張鐵確前烏頭蒼朮法

右烏頭去黑皮用白心微炒蒼朮泔浸炒黃為細末
酒糊丸

移刺相公神仙保命金丹

治男子丹田衰弱五臟虛損血少氣微肌瘦面塵手
足顫掉目視荒荒迎風出淚耳鳴旋運筋骨無力春

秋發嗽疾喘滿悶腰膝疼痛脚上癰疹難坐立夜多盜汗四肢怠惰陽事不强精滑無子悉宜服此丹

草烏頭

四兩秋收黑色者去皮同蛤粉炒黃存性地內埋一宿去火毒焙乾

金鈴子

三兩去皮

破故紙

三兩浸酒一宿

茴香

二兩炒香

右細末酒糊丸桐子大每服三二十九空心溫酒下婦人醋湯下服數日所病即效痼寒久利尤宜服婦人血冷月事不調赤白絕孕面黑焦乾髮退不生瘦惡自汗每服三十九熱醋湯下久服補益男子無風

中卒病此藥性溫無毒保全天壽

佐經丸

草烏

去皮

當歸

乳香

沒藥

自然銅

醋

斑猫

去足翅頭

大鼈子

地龍

去土炒已上各等分

前少陰屬風條下有治白癰龍蛇散內有二佐經丸
味後方少膠五靈脂

右各礮醋糊丸鷄頭大打碎溫酒磨化隨病上下服
藥後飲好酒三三盞

佐經丸

草烏頭 白膠 木鼈 五靈脂 各一兩半

當歸 一兩 斑猫 一百箇去頭足翅煮亦得

右黑豆生為煮糊丸

玉桂枝

天麻 七兩 骨碎補 七錢半

草烏 四兩 甘松

川烏 白附子 半夏 各半兩 地龍 去土一兩

黃芩 松香 五靈脂 錫蘭脂 各半兩

自然銅

二兩半 醋滓七次

南星 茯苓 川芎

破故紙

各半兩

糯米

半升炒

右細末酒糊丸桐子大每服五丸溫酒下

張守道傳化張鐵確方

治男子陽精不足女子赤白過多

牡蠣

一斤燒

赤樗子

一斗

草烏頭

半斤焙

右為末酒糊丸桐子大每服二三十丸溫酒下鹽湯亦得一法張守道加蒼朮一斤不去皮炒黃與上同為末丸

安宜差傳到筋骨藥

川烏頭 澤瀉 五靈脂 地龍

去土

蘿蔔子

上各兩

蒼朮

二兩

川當歸

赤芍藥

各一兩

木鼈子

半兩 去皮

沒藥

乳香

各三錢

右細末醋糊丸桐子大 自然銅為衣 每服十九食前

溫酒服

朱砂例

玉倪丹

補心益腎上下通主升降以至丹田丹坎之像也

丹砂

二十兩

甘草

遠志去心

檳榔

一兩

訶黎勒

皮一兩

桂

八兩

去皮搗碎

右每食前服一九日三食計服三丸溫人參湯下

海藏老人云北砂煉成亦可與大補丸五臟隨藥合和

用之或全用五臟藥和丸亦可大補丸

在少陽條下局方五補丸後

造丹砂法

右甘草等四味剉水二大斗釜中以細布袋盛丹砂

盛於釜中著水和藥煮之 第一日兼夜用湯火絞

動 第二日兼夜湯火魚眼沸 第三日兼夜木火

花沫沸 第四日兼夜炭火涸沫沸 第五日兼夜

土火微微沸 第六日兼夜金火沸愈緩作急 第

七日兼夜水火沸緩緩調調 先期泥二釜一釜常

煖水用添煮藥釜中水減即添煖水常令不減二斗

七日滿即出丹砂於銀器合中盛其合內先布挂一

兩勻即與挂布朱砂又以金挂一兩覆足即下合置

甑中先布糯米厚二寸乃置合又以糯米覆培之亦合厚三寸許桑柴火蒸之每五日換米挂其甑蔽一日以行竹子為之不爾側間一小孔常煖水同竹筒注添釜中勿令水減第一五日兼夜用如春火如常炊飯第二五日兼夜用夏火猛如炊飯第三五日兼夜用秋火如炊飯乍緩乍急第四五日兼夜用冬火煖如炊飯依五行相生文武助之藥即成出丹砂以五搥鉢碾之如膩粉即可用服之煎楮實搜和桐子

大每日食前服一九人參湯下每日三服食前計之
煉成丹砂秤四兩為一劑二年服盡復服每十年即
煉三兩仍取正月一日取服一月使盡既盡酒服十
年一二兩不令旋合宜須煉一劑

造楮實煎法

六月六日收取楮實熟者緩絞取汁拾銀器內慢火
熬成膏搜和前藥末為劑丸

小硃砂丸

硃砂

五兩

牙硝

六兩

寒水石

四錢

麝香

一字

鵬砂

一字

龍腦

半錢

甘草

半錢浸汁熬膏

右碾勻用甘草膏和每兩作一十九丸每噙化一九小

兒夜驚啼薄荷水化下

朱砂寒熱溫涼各百加減例

寒大黃

巴豆

牛黃

黃連

黃柏

熱附子

巴豆

烏頭

南星

半夏

朱砂散

治小兒神亂驚悸睡卧不安大便不利譫語齒瘡痰嗽

辰砂

七兩

桔梗

五兩

人參

蛤粉

牙硝

各三兩

甘草

二兩半

腦子

二錢

金箔

二十斤

右細末一歲兒半錢薄荷湯調下未滿百日兒發熱多睡不安大便不利蜜湯調下一字大人小兒口瘡咽喉少許摻咽隔熱新水調臨卧

鶴頂丹

治大人小兒風痰不利煩渴不安中暑頭痛不解

麝香二錢

半

朱砂十兩

牙硝十二兩

半枯

寒水石

枯十兩

甘草

炒三兩半

右細末煉蜜丸龍眼大大人薑湯化下中暑腦子
新水下小兒心經熱薄荷汁化下

鎮心丸

金箔鎮心丸

安神丸

驪珠丹

麥門冬

牙硝

白茯苓

乾山藥

寒水石

甘草

各半兩

朱砂

一兩 龍腦

一字

已上數藥泄手太陰大人絳宮下至丹田

前八味加

人參

生地黃

沈香

各為細末入藥為東垣先生離珠丹法例詳說具見
難知一名石龍散

右石龍散

寒水石

腦子

朱砂

拘龍丸

化毒丹

大青丸

並見錢氏

牛黃膏

治驚化痰涼膈鎮心祛邪熱止涎嗽

人參

二錢半

甘草

兩半

牙硝

一錢

雄黃

七錢

朱砂

一錢

蛤粉

二兩水飛

生龍腦

半錢

金銀箔

四箇為衣

右為細末煉蜜為丸搜和每兩秤作二十九以金銀箔為衣一錢兒每服菜豆大薄荷湯化下量歲數臨時加減服之食後

虎睛丸

治小兒驚風壯熱風濕邪熱

天麻

防風

人參

乾蝎

各一兩

白殭蠶

半兩

朱砂 雄黃 各一
半

牛黃 麝香 各一
字

甘草 一錢

右末蜜丸如桐子大每服一二丸薄荷湯下

御方活命金丹 主治並
見本條

烏犀 牛黃 真珠 薄荷 各半
兩 金箔 一兩
片

牙硝 貫衆 甘草 板藍根 乾葛

官桂 各一
兩 片腦 麝香 青黛 各三
錢

大黃 一兩
半 蒸餅末 三錢

煉蜜丸每兩作十丸金箔為衣

五福化毒丹

主治並見錢氏

苦參 桔梗 茯苓 人參 牙硝 青黛

甘草 麝香

右勻細末蜜丸雞頭大薄荷湯下班疹毒氣生地黃
汁化下有日夜不見物陳米泔化下

金箔鎮心丸

紫河車 人參 茯苓 山藥 甘草

朱硝

龍腦

麝香

牙硝

金箔

等分

右勻細末蜜九桐子大薄荷湯下

定風丹

治大風癩疾鼻崩塌眉鬚脫若遍身疙瘡或瘡疥等

升麻

細辛根

川芎

穿山甲

炙

天麻

防風

定風草

白附子

丹參

人參

苦參

玄參

紫參

蔓荊子

威靈仙

各一兩

蜈蚣

一對酥炙

何首烏

木白中取末二兩

右細末每二兩用胡麻一升淘淨炒香為末和勻蜜丸彈子大每用一九細嚼溫漿水下日三初服時或嘔吐勿怪或亦不吐

紫苑丸

治五種風癰之疾

紫團參 人參 沙參 玄參 檳榔 黃連

川芎 山梔子 海桐皮 紫苑 防風

赤芍藥 羌活 赤茯苓 生地黃 天仙子

地骨皮 白茯苓 天麻 乳香

各等分

右二十味細末蜜丸桐子大每服三十九清米湯下
日三忌動風發氣物

脫脫丸

治癩風遍身膿血及諸惡瘡疥癬等經云厲風成癩

苦丁香

白丁香

等分

皂莢

去皮弦子
熬成膏

右與上藥末為丸桐子大先十九至十五漸至二十
丸溫水下疾退為止不可使多恐致惡心從少至多
乃其法

治風疾癰病遍身生瘡者

天麻

七錢半

荊芥

二錢半

薄荷

三錢半

白花蛇

四兩酒浸

右四物為細末好酒二升蜜四兩石器中蒸成膏子
每服一盞溫服日三煎餅壓下急於暖處令汗出見
效

神仙經進透骨膏

治大風疾遍身生瘡變成頑麻不痛不癢眉髮脫落

鼻梁崩塌日斷白仁

海金沙

半兩

草烏頭

一兩

絲礬

葶花

九松

盆硝

膽礬

鵝管石

朱砂

雄黃

另研

磁石

杏仁

各一兩

黃蘗

雌黃

草麻

砒霜

另研各一兩

硃砂

錢二木賊

六兩

木鼈子

二十箇

寒水石

六兩

僧祇黃

半兩

斑猫

十箇

巴豆

二十粒

川烏頭

半兩

石燕子

一對

蛤粉

半兩

天仙子

四兩

黃松脂

一兩

粉霜

二錢

乳香

一錢

麝香

半兩

硫黃

半兩

小油

一箇六兩

膩粉

三錢

右將剉細末油勻和新坩瓶子一箇埋于地下止用
新瓦瓶子一隻于地上鑽數十孔鹽泥固濟盛藥在
內用碗一隻合定亦固濟勿令透烟坐在坩瓶子口
上穩放木炭火八秤看緊慢燒灰盡為度其藥滴在
坩瓶子內孩鬼胎髮一塊細剪藥內攪勻入後藥信
霜雄黃僧祇黃粉霜輕粉乳麝等細不燒數

漂洗藥

何首烏 荊芥 防風 馬鞭草 蔓荊子

右麤末二兩水二斗煎十數沸得藥力無風虛漂洗
後塗前藥

神效膏

當歸

兩半

杏仁

兩半

木鼈子

兩半

好油

斤一

黃丹

兩三

油髮

兩二

乳香

苦參

錢二

沒藥

錢三

人參

錢二

右除丹外剉細油煮褐色與丹一處熬成膏塗病處

生眉散

桑寄生 天南星 半夏 沒藥

右各一錢為細末生薑自然汁調成膏子先用自然銅擦過次以膏塗之

又治鼻梁崩塌喘息不快者

雄黃 黃連 沒藥 川芎 盆硝各一兩

腦子半麝香一字

右細末搗之日三次

如聖散 漂洗藥

頑荊

兩一

蔓荊子

兩四

威靈仙

兩四

白芷

兩四

苦參

兩二

厚朴

兩二

荊芥

兩二

紫參

兩二

陳皮

沙參

防風

兩四

麻黃

兩二

右麤末每用藥末一兩水一桶桃柳枝同一處煎五
七沸避風淋洗

還魂丹

治中風不語延潮不
止瘕瘕左癱右瘓

天麻

川芎

防風

乾山藥

羌活

各二兩

殭蠶炒

犀角

細辛

各一兩半

當歸

白附子

甘草

藿香葉

人參

全蝎

四十個

右為細末蜜丸櫻桃大每用一九細嚼酒下

化風丹

治中風涎多胞膈不利目瞑不開睛上視一切諸風

烏蛇

生去骨

白附

炮各一兩

南星

一箇重四兩

殭蠶

二兩

麝香

半錢

硃砂

三錢

雄黃

一錢

龍腦

一字

右前四味為細末入麝香等再碾令勻煉蜜丸鷄頭
大用水酒化下如牙關緊急不開以大蒜一大瓣杵
為泥塗兩牙關外豆淋酒化下一丸蘸藥擦牙自開
更服藥二九神效

局方樺皮散 並見本方

文潞公療癰癰外臺方

生地黃汁 淡竹瀝 荊瀝 防風

各一兩四分

獨活 附子

八分 一枚

右咬咀三升煮取二升去渣空心分四服或五服隔日一劑若虛者三日一劑可絕根本

聖餅子

草烏 川芎 細辛 白芷 荊芥 蒼朮

防風

甘草

各等分

右生用細末糊丸桐子大捻作餅細嚼茶清下加羌活獨活為十生餅子

斗門方

治中風口面喎斜用木灰向右即於左邊塗之向左
即於右邊塗之候方正如舊即須以水洗下大妙

聖惠方治中風口喎

以巴豆七箇去皮爛碾如左喎塗右手心如右喎塗
左手心仍以煖水一盞安向手心須臾便正洗去藥
頻抽掣中指

活人腳氣木瓜散例

木瓜散

大腹子二箇

紫蘇一錢半

乾木瓜

甘草炙

木香

各二錢半

羌活

三錢半

右判散分作三服每服用水一盞煎至半盞通口服

腳氣木瓜丸

木瓜

大者二箇切作二片去心

菊花

一兩青鹽二兩

右內藥木瓜中合定線繫瓶蒸爛碾成膏子丸桐子

大每服五十丸空心酒下日三服甚者百丸病處有

香汗出為效

四斤丸

治風寒濕合而成痺脚腫痛或不仁及諸證脚氣

牛膝

去蘆

天麻

去蘆

右咬咀好酒五升浸三日取出焙乾為細末以浸藥酒煮糊丸桐子大每服二十九空心食前溫酒下

香附子散 已下總血崩例

治血崩不止面色黃血刺疼痛不可忍小產血不止

一名倍金

香附子

不以多少炒去
毛搗碎再炒黃

右極細末每服三五錢好酒調下能破血積米飲調
下能止血冷氣薑湯下帶下艾湯下醋少許婦人一
切心腹諸疾並治之粥飲下許學士治婦人血氣不
調有積血者能破之若血崩者能止之

立應散治心腹急痛

香附子

炒半兩

良薑

右細末每用二錢七沸湯點服立效

治血崩臍腹痛

當歸 木賊去節 香附子 熟地黄 赤芍藥

牡丹皮各二兩 沒藥 丁香 桂各三錢

右細末酒調三錢溫服

立效散治婦人臍腹痛

香附子炒三兩 當歸一兩 赤芍藥半兩 良薑半兩

五靈脂半兩

右細末三錢酒一盞童子小便少許同煎服

香附子例 寒則加乾薑 熱則加黃芩

立應散

治婦人血海崩敗又治
男子婦人傷風下血

香附

三兩
半炒

檳皮

一兩燒
取存性

右為細末每五錢酒半盞童子小便半盞煎至七分

溫服無時如腸風不用童便用酒一盞煎至八分服

霹靂散

治經脈
妄行

香附子

三兩

川芎

一兩
炮

石灰

一兩
油炒

右細末燒秤鎰淬酒調服二錢七甜酒亦得

定血散

此四方
當在後

治婦人血海崩漏小產血不止

烏梅

燒存性

櫻布

燒

甘草

二寸一半
生一半燒

右為細末每服二三錢淡醋湯調服立止

靈苑內補丸

溫中調血治婦人久病血崩不止累醫不效宜此立

驗

黃連

山茱萸

乾薑

當歸

龜甲

羌花醋浸白芷

乾漆油浸

川烏頭去皮臍

一分 巴豆大者連殼

桃仁和皮

亂髮三味各半兩

已上十二味同入一瓶子內用泥固濟頂上留一眼

子火煨候白烟出急取候冷取細碾

官桂一分去皮

陳橘皮一分碎剉炒

芸臺子一分炒取白色

右四味為細末同前碾藥都作一處拌合再研令勻
煉蜜為丸桐子大每服一九臨卧溫酒下久患甚者
不過四服

又方

巴豆

紙裏蒸熟

芫花

酒拌炒黃

硃砂

白芷

檳榔

麪裏厚燒熟

乾漆

油潤炒微烟

當歸頭

大黃

蒸

乾薑

炒製剉再炒

又方

木香

檳榔

縮砂仁

神麪

炒黃

麥蘖

炒黃

訶子

麪裏炒

當歸

乾漆

油塗炒

金絲水蛭

火灰中煨去黑或鹽炒微焦赤

交感丸

茯苓

四兩

香附子

一斤
炒黃

右細末煉蜜丸彈子大每晨一丸

降氣湯

茯苓

二兩

香附子

半斤
炒

甘草

一兩

右細末點服

又方

香附子

五兩生薑三兩汁浸
三兩炒存性細末

青鹽

一錢

右同為細末擦牙

孫思邈九竅血出方

荊葉搗取汁酒和服之

小烏沈湯

當在前為
沈湯後

香附子

二兩

烏藥

一兩

甘草

二兩
半生

右細末鹽少許湯點服

千金白聖丸

在四
物後

螵蛸散

治血崩漏下久
不止臍腹疼痛

烏魚骨燒存性細末二兩煎木賊湯調下

又方

蠶退紙

燒灰
一兩

木賊

燒灰
一兩

寒水石

燒
一分

黑附子

炮半
斤

白礬

枯半
兩

烏魚骨

炙一
兩

右為細末水一盞煎四五沸食前和滓服效

又方

龍骨

蒲黃

各半
兩

艾葉

附子

炮二
錢半

當歸

七錢
半

右為細末水煎三錢

又方

當歸 川芎

黃芩

芍藥

等分

右麤末水煎

柱燒灰酒調下立愈

五靈脂末炒出烟盡當歸酒煎如血室乾醋煎和滓

服空心

血崩如流防風炙焦為末每二錢白麵半錢酒調下

晝夜不止者丁香二兩酒煮服之

又黃芩粗末水煎

右並治血崩如流藥異不一隨經可擇是為知本
地榆條唐本注云出孔氏音義玉帶十二病

一曰多赤

二曰多白

三曰水不通

四曰陰蝕

五曰子藏堅

六曰子門闢

七曰合陰陽患痛

八曰小腹寒

九曰子門閉

十曰子宮冷

十一曰夢與鬼交 十二曰五臟不定

用地榆作菜飲代茶甚解

無濕不成瀉無積不成痢大腸泄者小便少濕在後也小腸有敗血久有積滯崩漏不已隨帶而下大便燥結濕在前也濕在後當利小便濕在前當利大便此其法也

或因胎產而得或因酒色而得山崩海嶽前後脫血漏不已元由子藏侵入赤腸澤液惡穢前行大過滓

冀燥結後滯不通此胎腸俱病治宜推去敗血膿積
益血而致新也心所不生脾所不裹肝所不藏此三
焦經紀也崩雖為病亦有淺深新久治從而輕重之
張仲景云三焦絕經是為血崩又經云血得熱而妄行
又云血枯前後血得之年少時有所火得脫血醉以
入房氣竭肝腸久久成血閉略舉於此皆有熱也脈
或洪大而有力或能食不能食漏下不止或陰中如
有瘡撲或大便難因而暴下或觸之而不定內外俱

治慎勿遺一

王叔和曰微脈主敗血面無色澤者從指下尋之有若無凝之敗血小腸虛崩中日久為白帶漏下多時骨脈枯此脈有濇之貌孔之體皆血病也此皆陰脈而為冷證寒熱即分藥不可執一所以有連藥生地黃四物牡丹芍藥續斷縮砂香附烏賊血竭乾薑之分也明者其擇之

產寶方

療崩中不止不問年深月遠

槐木耳燒灰為末酒服方寸匕

簡要方

治婦人漏下血不絕

槐花萼不以多少燒灰細碾食前溫服二錢匕

正經云治婦人乳癰子藏急痛

槐實以七月七日取入搗取汁銅孟內盛之日煎令可九大如鼠矢內竅中三易愈又主墮胎

千金方

治婦人無故尿血

龍骨二兩以酒調服方寸匕空心日三

又方治崩中晝夜不止

芎窮八兩清酒五斤煎取二升半分三服徐徐飲之
又治胎婦忽然倒地舉驚重促損腹中不安及子死腹
中

川芎生末酒服方寸匕須臾一二服出

治崩中

防風去蘆頭炙赤色為末每服二錢以麵糊酒調下
更以麵糊酒投之

治婦人經血不止

五靈脂末炒令過熟出盡烟每服五六錢當歸二片
酒一盞與藥同煎至六分去滓溫服連三五服效

治產婦血暈昏迷上衝悶絕不知人事者

五靈脂

二兩五錢一半
生用一半熟炒

右為細末每服一錢溫熱水調下如口噤者以物幹
開灌之入喉即愈謂之獨勝散

又治血崩不止

五靈脂

十兩

右為細末水五盞煎至三盞去滓澄清再煎為膏入

神麴末二兩和丸桐子大每服二十九空心溫酒下

便止

正元廣利方

治婦人赤白帶下
年深月久不差者

白芍藥

二兩

乾薑

半兩

右細剉炒令黃搗羅細空腹利飲汁服之二錢匕

治婦人本臟虛損元氣冷敗崩中漏下經歲不止服諸

藥不效極甚者宜服此藥

龍骨一兩煅

蒲黃一兩

艾葉二兩

當歸半兩

五靈脂半兩炒去烟

黑附子炮半兩

香附子炒紫色半兩

右件同為末水一盞半藥秤三錢同煎至六分去滓
食前空心日三病輕者二服重者一料

雷氏方治婦人遠年近日醫不差血崩或血氣不止

木賊二兩 香附子一兩 朴硝半兩

右三味為細末色黑者好酒一盞煎三五沸和滓溫

服色紅赤者水一盞煎至七分和滓溫服忌生冷硬
猪魚肉雜物每服三錢空心每日二如臍下作痛乳
香沒藥當歸各一錢剉細入上藥一處同煎不痛勿
用

論傷寒雜病分二科

海藏云世之治傷寒有法療雜病有方是則是矣然猶
未也吾謂治雜病亦有法療傷寒亦有方方即法也
法即方也豈有異乎要當全識部分經絡表裏臟腑


豈有二哉以其後世才智之不及古也所以分傷寒
雜證為二門故有長於此而短於彼者亦有長於彼
而短於此者逮夫國家取士分科為此宜乎愈學而
愈陋愈專而愈粗也試以傷寒雜病二科論之傷寒
從外而之內者法當先治外而後治內雜病從內而
之外者法當先治內而後治外至於中外不相及則
治主病其方法一也亦何必分之為二哉大抵雜病
之外不離乎表傷寒之內不離乎裏表則汗裏則下

中則和不易之法也劑之寒熱溫涼在其中矣餘風
產二條目疾瘡腫小兒等科各自專門無怪其工之
陋且粗也是以知證不知脈知藥不知性是豈真知
而全識者哉耳熟目厭習壞多經涉久誤合則病愈
輟則不疾甚所常見所常聞者粗有曉會其所未常
見未常聞則有所不知也此繼述而不及於物者遠
矣嗚呼天之所錫其智識有限量故邪衰哉庸夫以
衣食迫以口舌爭視學業如讎隙妬忌為能幹誤人

性命恬不知恤甘為忍火不顧道理其教之有所失
邪時世之所有俾邪抑疾者之不幸而有所自致邪
處暑後嘆而書

是書已成於辛卯至丁酉春為人陰取之元藁已
絕更無餘本予職州庠杜門養拙蘧鹽之暇無可
用心想像始終十得七八試書首尾僅得復完猶
遺一二尚未之脩故今日得而今日錄明日得而
明日書待以歲月久則方成無欲速無忌心也好

古再題



醫壘元戎卷十二